

Norma Baharu Dalam Pelaksanaan Orientasi Tingkatan 1



25 Januari – Program Orientasi Tingkatan 1 SMK Mutiara WP Labuan, Norma Baharu Melalui Tayangan Video telah dilancarkan pada 25 Januari 2021. Program yang dirasmikan oleh Tuan Pengetua, Encik Yahya Bin Ahmad Puteh merupakan program yang julung-julung kali diadakan secara atas talian. Program yang dianjurkan oleh Unit Bimbingan Dan Kaunseling ini bermatlamat untuk memberi pengetahuan kepada murid mengenai keperluan murid dalam norma baharu di samping mengenali tentang budaya dan persekitaran persekolahan yang terdapat di SMK Mutiara.

“Walaupun kita masih dalam situasi Perintah Kawalan Pergerakan yang diumumkan oleh kerajaan baru-baru ini namun situasi tersebut tidak menghalang sekolah untuk

mengadakan program kepada murid-murid Tingkatan Satu yang baru memulakan persekolahan mereka di sekolah ini”, kata Encik Yahya, Pengetua SMK Mutiara ketika dihubungi. Beliau juga menambah bahawa pada ketika ini , semua murid Tingkatan 1 tidak hadir secara bersemuka dan hanya mengikuti pengajaran dan pembelajaran di rumah secara atas talian.

Manakala, En Ahmad Radzi bin Ab Halim, selaku urusetia program mengatakan bahawa semua video telah dimuat naik ke Youtube adalah untuk tontonan semua pelajar baharu Tingkatan 1, penjaga/waris dan warga sekolah. Dalam video yang dipaparkan ini, semua murid dan warga sekolah akan dapat mendengar taklimat daripada semua unit yang terlibat melalui rakaman yang disediakan seperti amanat yang disampaikan sendiri oleh Pengetua, En. Yahya bin Ahmad Puteh , En. Masri bin Ayong Penolong iaitu Kanan HEM, En. Hisham bin Abdul Aziz iaitu Penolong Kanan Pentadbiran, En. Jostelen Lamibai iaitu Penolong Kanan Kokurikulum.

Selain itu, rakaman ucapan juga turut melibatkan unit-unit penting di sekolah seperti Unit Bimbingan dan Kaunseling, Skim Pinjaman Buku Teks, Unit Disiplin, Pusat Sumber Sekolah SMK Mutiara dan juga unit-unit yang lain. Dalam pautan video yang dikongsikan juga, pelajar tingkatan 1 juga boleh membuat pertanyaan melalui Google Form yang disediakan dan juga boleh memberikan cadangan penambahbaikan. Secara keseluruhannya, respon yang diperolehi daripada pelajar melalui soal selidik Google Form yang diberikan menunjukkan pelajar menyukai dan bersetuju dengan cara baharu orientasi kali ini dijalankan.



Program Orientasi Tingkatan 1 SMK Mutiara WP Labuan, Norma Baharu Melalui Tayangan Video telah dilancarkan melalui sebaran video dan ditonton di kediaman masing-masing melalui pautan https://www.youtube.com/watch?v=oHS0_y-F_c0. Sasaran program ini adalah untuk semua pelajar baharu Tingkatan 1. Turut hadir dalam gimik pelancaran program ini PK HEM, En Masri Ayong dan kaunselor sekolah iaitu En Ahmad Radzi bin Ab Halim dan Pn Normaisaraf binti Ab Rashid dengan menggunakan kaedah baharu iaitu menekan butang “send” di youtube bagi melancarkan video yang telah disediakan.

Semua Sekolah Menengah Patuhi SOP Pengoperasian

Hari Pertama Persekolahan 2021



Labuan, 21 Jan – Tinjauan oleh pegawai-pegawai Jabatan Pendidikan Negeri hari ini mendapati pengoperasian hari pertama persekolahan di 10 buah sekolah menengah di Labuan telah berjalan dengan lancar. Semua pegawai angkat sekolah telah diminta untuk membuat tinjauan dan memberi khidmat bantu berkaitan tatacara pengoperasian sekolah bagi memastikan kesiapsiagaan sekolah dalam mematuhi SOP yang telah diwartakan oleh Majlis Keselamatan negara (MKN) dan Kementerian Pendidikan Malaysia (KPM).

Sesi tinjauan yang turut disertai oleh Jabatan Kesihatan Negeri dan Pegawai Perhubungan Sekolah (PPS) daripada PDRM telah diselaraskan oleh Puan Maimoon binti Matnoh, Timbalan Pengarah Sektor Pengurusan Sekolah. Menurut beliau, tinjauan pada hari ini adalah bagi memastikan 10 sekolah menengah termasuk Kolej Vokasional telah bersedia untuk menerima murid Tingkatan 5 kohort 2020 dan Tingkatan 6.

“Tinjauan ini juga termasuk pematuhan kepada model pengawalan keberadaan murid di pintu pagar sekolah yang telah dikeluarkan oleh KPM mengikut kesesuaian lokaliti sekolah. Hal ini sangat penting kerana pihak JPN sentiasa mengutamakan keselamatan murid dalam tempoh PKP ini. Murid-murid dan guru-guru perlu sentiasa mematuhi norma-norma baharu dalam amalan harian dan aktiviti pembelajaran sepanjang masa” ujar beliau lagi.

Encik Yusup bin Mohamad, Timbalan Pengarah di Sektor Pembelajaran (SPb) yang meninjau keadaan di SMK Taman Perumahan Bedaun mendapati pihak sekolah telah bersedia sepenuhnya untuk menerima murid seawal jam 6 pagi.

“Pihak sekolah telah berjaya menyusun dengan baik pergerakan murid bermula daripada pintu pagar sekolah sehingga ke dalam bilik darjah. Kita dapati murid-murid juga patuh kepada arahan guru untuk beratur dengan tertib, membuat pemeriksaan suhu badan, sanitasi tangan dan seterusnya bergerak ke kelas masing-masing untuk memulakan sesi pembelajaran.” kata beliau.

Tinjauan di SMK Mutiara pula turut disertai oleh Pegawai Perhubungan Sekolah (PPS) daripada IPD Labuan, ASP Haslina bin Hassan. Beliau turut memuji kesiapsiagaan dalam menangani pandemik Covid19 di peringkat sekolah.

“Saya sempat meninjau di dalam bilik darjah juga mendapati bilik darjah telah disusun mengikut jarak yang sesuai dengan SOP yang telah ditetapkan. Sabun pembersih tangan telah disediakan oleh pihak sekolah di tempat-tempat yang strategik bagi membolehkan murid-murid mengamalkan pembersihan tangan secara kerap” ujar beliau.

Sesi persekolahan di SMK Lajau juga berlangsung dengan

baik. Menurut Puan Maimoon binti Matnoh, Timbalan Pengarah Sektor Pengurusan Sekolah, pihak sekolah telah berjaya menyusun pergerakan murid dengan baik dengan mengamalkan penjarakan fizikal bermula daripada pintu pagar sekolah hingga ke bilik darjah. Dalam sesi lawatan ke kelas-kelas, beliau sempat memberi motivasi kepada murid-murid yang telah 'bercuti' lama.

"Kami berpuas hati dengan tahap kesiapsiagaan sekolah menerima kehadiran murid hari ini. Guru-guru juga kelihatan begitu komited dan teruja untuk mengadakan sesi PdP secara bersemuka bersama-sama dengan murid" kata beliau.

Pengarah Pendidikan, Puan Khaziyati binti Osman sempat meninjau sesi persekolahan di SMK Labuan yang menerima murid paling ramai hari ini. Kunjungan ini juga turut disertai oleh kakitangan Jabatan Kesihatan Negeri yang telah diketuai sendiri oleh pengarahnya, Dr. Ismuni Bohari. Menurut pengetuanya, Encik Ismail Abdullah berkata seramai 232 murid Tingkatan 5 kohort 2020 dan 312 pelajar Tingkatan 6 hadir ke sekolah hari ini.

Puan Khaziyati melahirkan penghargaan dan terima kasih kepada semua pihak terutamanya pentadbir sekolah yang begitu komited dalam memastikan pematuhan kepada SOP bagi mengelak penularan pandemik Covid19 di dalam premis sekolah.

"Jabatan Pendidikan sangat komited untuk terus mengamalkan norma-norma baharu dalam tempoh kritikal ini. Saya berharap agar amalan ini konsisten daripada hari pertama sehingga ke hari terakhir persekolahan. Kerjasama daripada pelbagai pihak sangat dialu-alukan bagi memberi cadangan penambahbaikan kepada SOP sedia ada bagi meningkatkan keberkesanan kawalan penularan Covid19 terutamanya daripada Jabatan Kesihatan Negeri

dan PDRM” kata beliau lagi.

Ketika mengulas dapatan laporan kehadiran murid hari ini, Encik Abdul Rahman Ahmad, Timbalan Pengarah Sektor Pembangunan Murid (SPM) memaklumkan seramai 911 murid daripada 984 murid tingkatan lima kohort 2020 atau 93.89% murid telah hadir sesi bersemuka di sekolah hari ini.

Sesi persekolahan hari ini tidak melibatkan murid pra sekolah, sekolah rendah dan murid-murid Tingkatan 1 hingga 5 kohort 2021.

Berita Oleh : Encik Mohd Nizam Yasim, Sektor Perancangan, JPWPL



Murid SMK Pantai mengimbas suhu terlebih dahulu sebelum memasuki kawasan sekolah

Sesi persekolahan di Labuan secara hadir ke sekolah dan PdPR bermula hari ini



Labuan, 20 Januari – Hari ini bermula sesi persekolahan tahun 2021 di Labuan melalui kaedah secara bersemuka dengan murid hadir ke sekolah dan secara Pengajaran dan Pembelajaran di Rumah (PdPR) .

Murid sekolah rendah, tingkatan satu hingga empat mengikuti pengajaran dan pembelajaran di rumah melalui kaedah secara dalam talian atau luar talian.

Sesi persekolahan secara bersemuka di Labuan hanya melibatkan pelajar yang akan menduduki peperiksaan SPM dan STPM 2020 pada bulan Februari dan Mac 2021, berikutan Perintah Kawalan Pergerakan (PKP) di negeri ini.

Pada 15 hingga 19 Januari 2021, Jabatan Pendidikan Wilayah Persekutuan Labuan telah mengambil inisiatif

melaksanakan sanitasi di semua sekolah menengah di Labuan demi menjaga keselamatan pelajar di sekolah.

Proses Sanitasi SMK Ranche-Ranche Bagi Pembukaan Sekolah Tahun 2021



19 Januari 2021- Kerjasama komuniti dalam mengekang penularan Covid-19 membantu SMK Ranche-Ranche dalam penyediaan pembukaan sekolah pada 20hb Januari 2021. Maka, proses sanitasi dilaksanakan di seluruh kawasan sekolah dengan komitmen baik pihak Jabatan Bomba dan Penyelamat Labuan, Polis Diraja Malaysia (PDRM), Perbadanan Labuan dan Jabatan Pendidikan W.P Labuan.

Penolong Kanan Pentadbiran SMK Ranche-Ranche iaitu En. Sahnudin bin Ariffin berkata, program sanitasi yang

dibuat oleh pihak Jabatan Bomba dan Penyelamat, dan Perbadanan Labuan adalah bertepatan dengan masalah yang melanda ketika ini. “ Soal keselamatan sangat diberi keutamaan oleh SMK Ranche-Ranche demi keselamatan warganya “ ujar beliau.

Puan Marziati binti Mardan selaku Penolong Kanan HEM menegaskan langkah yang dilaksanakan oleh Jabatan Pendidikan W.P Labuan dengan membuat sanitasi di semua sekolah W.P Labuan merupakan langkah tepat dalam memberi keyakinan kepada ibu bapa pelajar untuk menghantar anak mereka kembali ke sekolah. Ibu bapa perlu yakin akan keselamatan anak-anak mereka ketika berada di sekolah.



Taklimat sanitasi daripada Wakil Jabatan Bomba dan Penyelamat Labuan



Persiapan yang dilakukan oleh anggota Bomba dan Penyelamat sebelum menjalankan proses sanitasi

Proses sanitasi tersebut berlangsung kira-kira satu jam dan berjalan dengan lancar. Kesemua anggota bomba dan Perbadanan Labuan memakai alat perlindungan diri (PPE) semasa menjalankan proses sanitasi. Tumpuan diberikan kepada bilik darjah, pejabat sekolah, bilik guru, makmal, bilik-bilik khas dan kawasan sekolah yang terbuka.



Pusat sumber sekolah DSDN tidak ketinggalan dalam proses sanitasi yang dijalankan



Proses sanitasi yang dijalankan di makmal sekolah
Diharapkan pembukaan sekolah akan berjalan lebih lancar selaras dengan hasrat Kementerian Pendidikan Malaysia yang ingin memastikan sekolah selamat, bebas daripada

jangkitan wabak Covid-19.

Semua Sekolah Menengah W.P Labuan Disanitasi



Labuan, 19 Januari : Jabatan Pendidikan W.P Labuan telah mengambil inisiatif menyelaras program sanitasi di semua sekolah menengah di Wilayah Persekutuan Labuan menjelang pembukaan sekolah pada 20 Januari 2021. Program yang dilaksanakan dengan kerjasama daripada Jabatan Bomba dan Penyelamat, Perbadanan Labuan, Jabatan Kesihatan, APAM dan PDRM telah dilaksanakan mulai 15 hingga 19 Januari 2021.

Kerjasama bersepadu ini telah diselaraskan oleh Sektor Perancangan, Jabatan Pendidikan W.P Labuan. Menurut penyelaras program, Encik Ahmad Firdaus Lee bin Abdullah berkata sebanyak 10 buah sekolah menengah telah disanitasi termasuk Kolej Vokasional Labuan.

“Program ini bertujuan memastikan tahap kebersihan dan keselamatan premis dan bangunan sekolah berada di tahap terbaik menjelang pembukaan sekolah untuk murid-murid Tingkatan 5 dan Tingkatan 6” kata beliau lagi.

Pasukan sanitasi diterajui oleh Unit HAZMAT, Jabatan Bomba dan Penyelamat W.P Labuan yang diketuai oleh Penolong Kanan Penguasa Bomba, Encik Azlan bin Talin. Menurut beliau, Jabatan Bomba dan Penyelamat sentiasa bersedia melaksanakan tanggungjawab bagi memastikan pandemik Covid 19 dapat dibentung sepenuhnya.

Sebelum memulakan kerja-kerja sanitasi, beliau turut membuat taklimat ringkas berkaitan sanitasi sendiri yang boleh dilaksanakan pada bila-bila masa oleh mana-mana organisasi.

“Kita semua mempunyai tanggungjawab bagi memastikan Covid19 tidak menular dalam masyarakat” ujar beliau lagi.



Penerangan oleh Encik Azlan sebelum memulakan sanitasi



Proses sanitasi di dalam bilik darjah

Proses sanitasi ini juga turut mendapat kerjasama yang baik daripada pihak pentadbir sekolah. Pengetua SMK Labuan yang juga YDP Majlis Pengetua Sekolah Menengah (MPSM) Labuan, Encik Ismail bin Abdullah mengucapkan terima kasih kepada semua pihak yang telah terlibat membantu sekolah dalam kerja-kerja sanitasi kali ini. Beliau turut memaklumkan sebanyak 6 blok bilik darjah, bilik guru, bilik mesyuarat, makmal, dewan serta kemudahan-kemudahan lain telah disanitasi dalam program yang bermula dari jam 9.00pagi hingga 10pagi Sabtu lalu.

Pengarah Pendidikan, Puan Khaziyati binti Osman turut melahirkan rasa syukur dan mengucapkan terima kasih atas kerjasama padu pelbagai pihak dalam membantu pihak jabatan melaksanakan kerja-kerja sanitasi di sekolah kali ini.

“Apapun yang kita lakukan adalah sebenarnya demi kepentingan murid-murid di Wilayah Persekutuan Labuan. Kita juga mahu ibubapa yakin dan percaya bahawa kita telah mengambil langkah-langkah perlu dan proaktif demi menjaga keselamatan anak-anak mereka apabila sekolah mulai beroperasi nanti. Keselamatan dan kesihatan semua murid dan guru adalah keutamaan jabatan dan tidak boleh

dikompromi dalam situasi pandemik Covid-19” tambah beliau lagi.

Berita Oleh : Encik Mohd Nizam Yasim, Sektor Perancangan, JPWPL



Penyelaras program Encik Firdaus Lee (kiri) sedang memantau sanitasi di sekolah-sekolah W.P Labuan




Sanitasi SMK Taman Perumahan Bedaun



Sanitasi SMK Pantai IBWS

**SPI Anjurkan Empat Kem
Program Adab dan Nilai
(ADNI) Secara Atas Talian
Untuk Murid Sekolah
Menengah Tahun 2020**



Labuan – Sektor Pendidikan Islam (SPI) Jabatan Pendidikan Wilayah Persekutuan Labuan (JPWPL) menganjurkan empat kem di bawah Program Adab dan Nilai (ADNI) untuk murid sekolah menengah secara dalam talian pada setiap Sabtu bermula 17 Oktober 2020 sehingga 7 November 2020 melalui aplikasi *Google Meet*.

e-Nadwah Kepemimpinan Islam Sekolah-Sekolah (e-NKISS) Kementerian Pendidikan Malaysia (KPM) Peringkat Negeri Wilayah Persekutuan Labuan membuka tirai pelaksanaan kem ini yang diadakan pada 17 Oktober 2020 melibatkan seramai 76 orang murid tingkatan 4 daripada 9 buah sekolah menengah di wilayah ini.

Menurut Penolong Pengarah Unit Pembangunan Adab dan Nilai (ADNI) Sektor Pendidikan Islam (SPI) selaku penyelaras kem Tuan Haji Sahrum bin Samlan, Nadwah kepimpinan Islam merupakan aktiviti berbentuk kem yang diadakan sejak 2003 bagi melahirkan saf kepimpinan murid yang berketerampilan selari dengan tuntutan Islam bahawa kepimpinan adalah amanah Allah s.w.t.

Sepanjang kem ini peserta didedahkan dengan ilmu, kemahiran dan gaya kepimpinan wasatiah agar mampu menguruskan keperluan dan cabaran persekitaran semasa

berlandaskan kepimpinan Rasulullah s.a.w.. Slot ceramah telah di sampaikan oleh Al Fadil Ustaz Syahmun bin Yahaya, penceramah yang diundang daripada Kolej Matrikulasi Labuan.

Antara pengisian di dalam kem ialah perbincangan berkaitan Modul Qiyadi Murid Islam di dalam slot ilmu, ceramah kepimpinan, sesi soal jawab bersama penceramah, pembentangan isu, menjawab soalan kuiz dan pertandingan mimbar Qiyadi. Peserta dinilai sepanjang kursus oleh fasilitator manakala penilaian sendiri keberkesanan program dan selepas kem dilakukan oleh peserta sendiri.



Ustaz Syahmun bin Yahaya menyampaikan ceramah dalam e-Nadwah Kepimpinan Islam.

e.com/zpd-deqr-otb



Peserta Nadwah Kepimpinan Islam

→ meet.google.com/jnh-fwsx-rsv




Peserta Kem Pemantapan Aqidah

Turut hadir di dalam kem ini Ketua Penolong Pengarah Sektor Pendidikan Islam Puan Hajah Kamariah binti Salim, Penolong-penolong pengarah di SPI dan 14 orang guru yang bertindak sebagai fasilitator .

“Alhamdulillah, setinggi kesyukuran ke hadrat Allah s.w.t di atas limpah perkenan-Nya, dapat kita bersama melaksanakan Nadwah Kepimpinan Islam biarpun kem kali ini diadakan secara atas talian sahaja sebagai langkah untuk menjaga kemaslahatan kita bersama dalam usaha mengekang penularan pandemik COVID-19.”

“Seperti tahun-tahun lalu Nadwah Kepimpinan Islam dilaksanakan untuk melahirkan pemimpin pelapis muda yang berkeimpinan berlandaskan Al-Quran dan As-Sunnah dalam merealisasikan satu ummah berperibadi muslim sepanjang zaman” katanya semasa berucap merasmikan penutupan Nadwah Kepimpinan Islam.

Menurutnya lagi, melalui penglibatan aktif peserta di dalam sesi perbincangan dan pembentangan isu ianya dapat mencungkil dan mengenal pasti ciri-ciri seorang pemimpin yang cemerlang, berfikiran positif, kreatif dan kritis serta mampu mengendalikan perbincangan secara sistematik.



Puan Hjh Kamariah menyampaikan ucapan penutupan semasa Nadwah e-Nadwah Kepemimpinan Islam secara atas talian. Sementara itu, e-Kem Pemantapan Akidah Sekolah-Sekolah KPM (e-KEMPAK) Peringkat Negeri W.P Labuan telah dilaksanakan pada 24 Oktober 2020 (Sabtu) yang disertai seramai 71 orang murid tingkatan 1 hingga 5 di 9 buah sekolah menengah dan 13 orang guru sebagai fasilitator.

Kem Pemantapan Akidah bertujuan untuk menanam perasaan kecintaan dan keyakinan kepada Islam dalam diri peserta agar mereka meyakini bahawa Islam adalah agama yang benar dan terbaik untuk kebahagiaan dunia dan akhirat.

Kem ini bertujuan untuk mencetuskan semangat dan motivasi dalaman peserta ke arah menimba ilmu pengetahuan serta melahirkan pelajar yang berpegang dengan akidah ahli sunnah wal-jamaah. Slot ceramah telah disampaikan oleh Ketua Imam Masjid Jamek Layang-Layangan W.P Labuan Al Fadil ustaz Muhammad Syafie bin Abdul Ghani.



Ustaz Muhammad Syafie bin Abdul Ghani menyampaikan ceramah dalam e-Kem Pemantapan Aqidah.

e-Kem Pemantapan Sahsiah Murid Sekolah-Sekolah KPM (e-KEMPAS) Peringkat Negeri W.P Labuan pula diadakan pada 31 Oktober 2020 (Sabtu) yang melibatkan seramai 69 orang murid tingkatan 1 hingga 5 dari 9 buah sekolah menengah di W.P Labuan dan disertai 12 orang guru.

Kem ini dilaksanakan untuk mengurangkan kes-kes pelanggaran disiplin sekolah oleh pelajar-pelajar yang berisiko di samping memberi penekanan kepada aspek pembentukan sahsiah diri.

Di samping itu, KEMPAS dilaksanakan untuk mencetuskan semangat dan motivasi dalaman peserta ke arah menimba ilmu pengetahuan serta melahirkan pelajar yang mempunyai sahsiah unggul. Slot ceramah telah disampaikan oleh Pegawai Agama Petronas W.P Labuan Ustaz Hj Norazlan bin Mahmood.

e-Kem Jati Diri Murid Sekolah-Sekolah KPM (e-KEMJAD) Peringkat Negeri W.P Labuan diadakan pada 07 November 2020 (Sabtu) yang melibatkan seramai 84 orang murid tingkatan 1 hingga 5 dari 9 buah sekolah menengah di W.P Labuan dan disertai 16 orang guru. Slot ceramah telah

disampaikan oleh pensyarah Kolej Matrikulasi Labuan Ustaz Shahirul bin Abdullah. Sektor Pendidikan Islam merakamkan ucapan terima kasih kepada guru-guru selaku penyelaras dakwah sekolah dan ibu bapa yang bekerjasama menyediakan peranti untuk anak-anak menyertai kem ini dengan jayanya.


Berita Oleh : Sektor Pendidikan Islam




Ustaz Shahirul bin Abdullah



Ustaz Hj Norazlan bin Mahmood



Penyelaras Kem ADNI, Tuan Hj Sahrum menyampaikan taklimat awal semasa sesi pendaftaran kem.



Peserta e-Kem Jati Diri Murid Sekolah-Sekolah KPM (e-KEMJAD) merakamkan gambar bersama penceramah dan urusetia program.

e-KEMFIT : Platform Baharu Dalam Pelaksanaan Kursus Di Kalangan Murid Sekolah Rendah



Labuan, 21 November – Seramai 69 orang peserta tahun 1 hingga 6 daripada Sekolah Jenis Kebangsaan Cina (SJKC) Chi Wen dan Sekolah Jenis Kebangsaan Cina (SJKC) Chung Hwa menghadiri Kem Fitrah Kasih yang dilaksanakan secara maya bermula jam 8.00 pagi melalui aplikasi *google meet*.

Kem Fitrah Kasih (KEMFIT) ini dilaksanakan bagi memantapkan aktiviti Pendidikan Islam bagi murid-murid Islam di SJKC. Ia merupakan program pembentukan jati diri seiring dengan keperluan syariat dengan menekankan aspek aqidah, ibadah, akhlak, pengurusan dan tanggungjawab sebenar sebagai hamba Allah, insan, anak dan murid.


Menurut penyelaras program Tuan Haji Sahrum bin Samlan, Penolong Pengarah Unit Pembangunan Adab dan Nilai Sektor Pendidikan Islam, Jabatan Pendidikan Wilayah Persekutuan Labuan (JPWPL), KEMFIT dilaksanakan saban tahun yang bertujuan untuk memberi pendedahan dan pengukuhan kefahaman tentang asas akidah, ibadah dan akhlak Islam agar proses penghayatan nilai-nilai Islam dalam kehidupan seharian dapat diamalkan.

“Seperti tahun-tahun lalu, KEMFIT dilaksanakan selama dua hari di mana peserta perlu bermalam. Mereka akan dibimbing menjalani rutin harian bermula dengan

aktiviti riadah, sesi suai kenal, sesi kuliah, solat berjemaah, makan beramai-ramai dengan adab yang betul, sesi perbincangan dalam kumpulan, pembentangan dan juga qiamulail. Namun disebabkan situasi pandemik covid-19 yang tidak mengizinkan, kem pada tahun ini dilaksanakan secara atas talian sahaja”.

“Kita mengharapkan agar peserta yang mengikuti kem ini dapat melaksanakan amalan ibadah secara konsisten seperti solat berjemaah, membaca al-Quran dan zikir setiap hari, suka mendengar tazkirah, kuliah mahupun ceramah, berwuduk dengan betul, menutup aurat dan sebagainya, inshaAllah” katanya semasa berucap di dalam kem tersebut.”.

Menurutnya lagi, pendedahan dan pengukuhan berkaitan dengan aspek disiplin diri seperti menepati masa, menjaga kebersihan seperti mencuci tangan, memakai hand sanitizer, menjaga penjarakan social, duduk di rumah jika tiada keperluan untuk keluar, menjaga kekemasan diri, semangat kerja sepasukan dan persaingan sihat sesama peserta amat dititikberatkan di dalam kem ini biarpun ianya dilaksanakan secara atas talian.



Pelaksanaan e-KEMFIT dan sesi perbincangan di kalangan peserta berjalan lancar dengan menggunakan aplikasi


google Meet.

Terdapat dua jenis aktiviti yang boleh dilakukan di bawah program ini iaitu aktiviti berbentuk kem penghayatan Islam dan aktiviti pengukuhan berbentuk Kuiz. Aktiviti berbentuk kem penghayatan Islam bertujuan untuk mengukuhkan kefahaman dan penghayatan amalan Islam sepanjang kursus ini dan menekankan persaingan sihat. Manakala aktiviti kuiz dilaksanakan untuk menilai kefahaman peserta kursus.

Sektor Pendidikan Islam mengucapkan tahniah kepada Guru-guru Pendidikan Islam SJKC Chi Wen dan SJKC Chung Hwa selaku penyelaras program di peringkat sekolah dan ibu bapa yang berjaya memastikan peserta kursus hadir dengan jayanya mengikut ketetapan masa yang diberikan oleh pihak penganjur.

Berita Oleh : Sektor Pendidikan Islam

**Tafaqquh Fiddin : Jalinan
Kerjasama Antara JPWPL
Dengan KUPU**



Labuan, 20 November – Program Tafaqquh Fiddin, jalinan kerjasama antara Jabatan Pendidikan Wilayah Persekutuan Labuan (JPWPL) dengan Kolej Universiti Perguruan Ugama, (KUPU) Seri Begawan secara dalam talian berjaya dilaksanakan dalam suasana muhibbah pagi tadi.

Majlis yang diurus setiakan oleh Sektor Pendidikan Islam, JPWPL bermula seawal jam 8.00 pagi dengan bacaan surah Al Kahfi ayat 1 hingga 10 dan ayat 100 hingga 110 yang dipimpin oleh Al Fadl ustaz Mohd Fadzli bin Sheikh Abdul Rahim dari Sekolah Menengah Kebangsaan (SMK) Ranche-Ranche. Ianya diikuti dengan bacaan surah Yaasin dan doa yang dipimpin oleh Al Fadl ustaz Jailani bin Muda dari SMK Labuan.

Tafaqquh Fiddin merupakan Program Bina Upaya Warga Pendidikan khususnya Guru Pendidikan Islam Kementerian Pendidikan Malaysia (KPM). Program ini dilaksanakan untuk memastikan wujud kesatuan pemikiran dalam kalangan warga pendidikan dan masyarakat.

Melalui Program Bina Upaya ini adalah diharapkan warga pendidikan dapat menerima dengan jelas hala tuju dan citra negara terutamanya peranan mereka sebagai pendakwah agar menepati 5 ciri Pendidik Muslim iaitu sebagai

Muallim, Mudarris, Murabbi, Muaddib dan Mursyid

Program Tafaqquh Fiddin kali ini dilaksanakan secara kerjasama antara JPWPL dengan KUPU bagi meraikan hubungan strategik pendidikan antara Jabatan Pendidikan Wilayah Persekutuan Labuan (JPWPL), Kementerian Pendidikan Malaysia (KPM) dengan Kolej Universiti Perguruan Ugama (KUPU) Seri Begawan, Negara Brunei Darussalam sepertimana Perjanjian Persefahaman yang telah dimeterai pada 15 Januari 2019.



Ustaz Mohd Fadzli SMK Ranche-Ranche



Ustaz Jailani bin Muda, SMK Labuan

Majlis secara maya menggunakan aplikasi *google meet* ini telah dihadiri oleh Pengarah JPWPL, Puan Khaziyati binti Osman, Timbalan-timbalan Pengarah, Ketua-ketua Penolong Pengarah, Pengetua dan Guru Besar, pegawai-pegawai di JPWPL, guru-guru Pendidikan Islam dan warga pendidikan di Wilayah Persekutuan Labuan. Siaran langsung majlis ini turut dimuat naik dalam *Facebook Live* dan *You Tube Live*.

Yang Mulia Dr. Haji Adanan bin Haji Basar, Ra'es, Kolej Universiti Perguruan Ugama (KUPU), Seri Begawan telah dijemput sebagai penyampai slot bingkisan ilmu dan Yang Mulia Barisan Pensyarah Pusat Ilmu Teras, KUPU.

Yang Mulia Dr. Haji Adanan dalam bingkisan ilmunya memberi pelbagai *tips* sebagai hamba dalam mencari redha Allah s.w.t..

"Untuk mencapai kebahagiaan di dunia dan akhirat

perlulah mendapat keredhaan Allah s.w.t.. Allah redha kita, semua yang ada di dunia dan di langit akan redha kepada kita. Justeru, perkara asas dalam kehidupan ialah kembali kepada sunnah. Siapa yang mengamalkan sunnah pasti mendapat kerahmatan daripada Allah s.w.t.”.

Beliau turut menyenaraikan empat ciri utama yang perlu ada dalam diri pendidik iaitu Hayyin, pendidik yang memilik sikap tenang tidak mudah marah dan penuh pertimbangan sebelum mengambil keputusan. Layyin, pendidik yang baik dalam bertutur kata serta bersikap santun dan lembut terhadap orang lain. Qarib, pendidik yang ramah ketika berbicara, akrab, menyenangkan orang lain dan yang terakhir Sahl iaitu pendidik yang selalu memudahkan urusan orang lain.



Sementara itu Pengarah Pendidikan JPWPL, Puan Khaziyati binti Osman melahirkan rasa syukur dan mengucapkan terima kasih di atas kesudian Yang Mulia Dr. Haji Adanan bin Haji Basar memenuhi undangan dalam Program Tafaqquh Fiddin.

“Alhamdulillah, saya amat bersyukur kerana jalinan

kerjasama pendidikan di antara JPWPL dengan KUPU masih lagi terjalin biarpun dalam situasi Covid-19. Kita berdoa semoga jalinan kerjasama ini akan berterusan dan majlis seperti ini dapat dilaksanakan sama ada seminggu sekali ataupun sebulan sekali untuk kita berkongsi ilmu”.

“Kita di Malaysia sekarang berada dalam tempoh Perintah Kawalan Pergerakan Bersyarat sehingga 6 Disember. Alhamdulillah, meskipun semua sekolah ditutup namun anak-anak kita masih lagi meneruskan pembelajaran melalui Pengajaran dan Pembelajaran dari Rumah (PDPR) sehingga 18 Disember 2020. Pengenalan kepada norma baharu yang terarah kepada pengajaran berpusatkan pelajar (student based-learning) tidak menghadkan peranan guru untuk berbakti.” katanya lagi.



Di akhir ucapan, Puan Khaziyati melahirkan pengharapan agar syor yang dicadangkan oleh mantan pengarah JPWPL iaitu Encik Raisin bin Saidin sewaktu memegang jawatan pengarah JPWPL agar *Praktikal training* KUPU di Labuan dapat direalisasikan, inshaAllah.

Berita Oleh : Sektor Pendidikan Islam


Program Virtual Bengkel Penghasilan Drama Radio 7 Filem Pendek Anjuran Pusat Sumber DSDN SMKRR 2020



Labuan, 01 Nov , Pusat Sumber Datin Sri Datuk Hjh Norsiah Binti Abdullah Sekolah Menengah Kebangsaan RANCHA-RANCHA telah mengadakan satu Program atas talian iaitu Virtual Penulisan Drama Radio dan Drama Pendek. Program ini diadakan secara atas talian iaitu melalui aplikasi Google meet seperti mana yang telah digariskan oleh kerajaan dalam pematuhan SOP yang telah ditetapkan semasa tempoh PKPB . Program ini telah disertai oleh guru dan pelajar dari Sabah , Sarawak dan juga Semenanjung Malaysia untuk sama-sama mempelajari ilmu penulisan skrip drama radio dan drama pendek . Seramai 167 orang telah membuat pendaftaran peserta bengkel melalui boring google form yang disediakan. Program ini adalah hasil usaha dan buah

fikiran penyelarass Pusat sumber DSDN SMKRR iaitu En Sapri idris , sebagai salah satu pengisian ilmu yang cukup bermanfaat kepada anak-anak pelajar SMKRR khasnya dan kepada sesiapa saja yang berminat mempelajarinya. Program ini juga merupakan program yang bertujuan untuk meningkatkan minat murid untuk mempelajari bidang-bidang penulisan serta penerbitan dalam bentuk berkeaktiviti. Selain itu ianya juga dapat melatih murid untuk lebih baik dalam bidang penulisan kerana ini merupakan pendidikan di luar kelas yang sangat berkaita rapat dengan penguasaan Bahasa melayu.

Program yang di anjurkan oleh PSSDSDN ini juga dapat memberi ruang kepada para pelajar untuk lebih berminat melibatkan diri dalam dunia penyiaran radio yang sememangnya merupakan satu kerjaya yang agak menarik. Selain itu ianya juga mendedahkan kepada mereka pengetahuan asas bagaimana sesebuah karya kreatif itu dapat menyampaikan sesuatu yang positif kepada masyarakat melalui drama radio. Program ini juga merupakan program pembelajaran di luar kelas yang berteraskan Kemahiran Berfikir Aras Tinggi (KBAT) yang menjadi kewajipan pada Sekolah ini untuk sentiasa menerapkan nilai KBAT di kalangan pelajar samada Pembelajaran di dalam bilik darjah atau di luar bilik darjah. Yang lebih membanggakan terdapat penyertaan melalui online dari luar Labuan seperti penyertaan guru dan pelajar dari SMKJK San Min Teluk Intan, SMK Bukit Damar lancing Pahang, Sk Convent Teluk Intan, SMK Dato Harun Tanjung Karang, SK Mengkabong Tuaran, SK Merlimau Melaka dan juga penyertaan guru-guru serta murid dari sekolah-sekolah menengah dan rendah dari WP Labuan snediri. Sambutan terhadap program ini sungguh mengalakkan.



Cikgu Jasmini Daud bertindak sebagai penceramah jemputan Penceramah bagi program ini adalah guru SMKRR sendiri iaitu cikgu Jasmini Daud, yang merupakan guru kesenian dan teater yang berpengalaman dalam bidang teater dan drama. Beliau merupakan penerima anugerah ikon Seni dari Jabatan Pendidikan wilayah Persekutuan Labuan. Pengetahuan dan pengalaman beliau dalam bidang seni teater dan drama bermula sejak beliau menjadi salah seorang Jurulatih Seni Budaya di bawah Jabatan Kesenian dan Kebudayaan negeri Sabah(JKKN) sejak tahun 2006. Beliau juga pernah menjadi johan penulisan skrip drama radio anjuran Radio Malaysia Labuan, sering membawa pelajar-pelajar sekolah beliau memenangi pelbagai pertandingan teater, sketsa dan drama samada di peringkat negeri mahupun kebangsaan. Beliau juga merupakan pemegang ijazah Drama dan teater dan sangat berpengalaman luas dalam pementasan dan teater. Kerana pengetahuan serta pengalaman tersebut itu lah beliau di jemput menjadi penceramah dalam program kali ini.

Perkongsian beliau kali ini lebih tertumpu kepada penulisan skrip drama radio kerana penulisan asas drama radio lebih mudah difahami oleh pelajar-pelajar atau sesiapa sahaja yang baru berjinak-jinak dalam penulisan

kreatif ini. sesiapa sahaja boleh mencuba bakat penulisan skrip radio, dengan mempelajari beberapa pengetahuan asas penulisan yang betul. Cikgu Jasmini berkata dalam ceramah beliau, penulisan skrip adalah merupakan satu naskah sastera yang diilhamkan oleh seorang penulis kemudian akan di jadikan sebuah drama jika ianya dilakukan sebagai sebuah cerita yang diperdengarkan di radio, dan ini adalah sesuatu karya yang boleh dihasilkan oleh sesiapa sahaja yang mempunyai bakat dan minat serta pengetahuan penulisan yang betul. Oleh itu beliau telah memberi banyak tips mudah kepada yang mengikuti kursus kali ini agar mereka boleh mula berkarya dan menyampaikan idea positif melalui penulisan dan penerbitan drama radio.

Beliau juga telah menyampaikan pelbagai perkara asas untuk memulakan penulisan skrip, antaranya ialah cara penulisan mengikut durasi yang sesuai bagi sesuatu penyiaran , bagaimana menghasilkan watak dan perwatakan dalam sesebuah drama radio serta bagaimana menentukan kesan bunyi yang berkesan dalam sesebuah drama serta cara menentukan watak dan dialog sesebuah drama tersebut.




Ucapan aluan-aluan disampaikan oleh Pengetua SMK Ranchar-

Rancha

En Yahya bin Ahmad Puteh

En Yahya Bin Ahmad Pengetua SMKRR mengucapkan jutaan terimakasih kepada cikgu Jasmini kerana sudi berkongsi pengalaman dan pengetahuan pada program kali ini dan beliau mengucapkan tahniah atas usaha En Sapri Idris serta semua pengawas Pusat Sumber Datin Sri Datuk HjH Norsiah Abdullah (PSSDSDN) yang terlibat serta penyelaras program online Cikgu zaharah Mat Jali ketua Bidang Bahasa bidang Bahasa. Beliau juga mengucapkan selamat datang dan mengalu-alukan penyertaan Guru-guru dari seluruh malaysia yang telah log masuk dalam program kali ini. Beliau berbangga atas usaha Pusat Sumber DSDN SMKRR kerana berjaya menganjurkan program yang sungguh berimpak tinggi kepada pelajar terutama dalam penerokaan bidang baharu dalam penulisan dan bahasa ini. Beliau juga berbangga kerana program ini juga merupakan satu penerapan nilai KBAT yang sangat jelas dan berguna kepada pelajar khususnya. Beliau juga berterimakasih kerana program ini diusahakan dalam talian dan mendapat sambutan yang sangat baik. Beliau berharap agar program seumpama ini akan diteruskan di pada masa akan datang dan dapat dipelbagaikan lagi demi menyebarkan lebih banyak ruang dan peluang pelajar menimba ilmu baru seumpama ini. Selain dapat mencungkil bakat pelajar program ini sangat bermanfaat bagi murid dan juga guru terutama yang mempunyai bakat penulisan tetapi masih belum tahu cara untuk menyalurkan bakat penulisan mereka. bidang penulisan skrip drama radio sememangnya satu bidang yang diminati ramai dan masih lagi mempunyai sambutan walaupun sekarang ini radio mendapat saingan dari pelbagai media sosial yang lain . namun tidak dinafikan masih ramai pendengar yang ingin mendengar drama radio sebagai satu bahan hiburan. Beliau menutup ucapan beliau dengan berharap program ini dapat di teruskan di masa-masa akan datang.



Cikgu Sapri bin Idris GPM SMK Ranca-Ranca bertindak selaku penganjur program

Ceramah “Utusan Terakhir” Mewarnai Sambutan Maulidur Rasul Peringkat JPWPL



Labuan, 30 Oktober – Sambutan Maulidur Rasul Peringkat Jabatan Pendidikan Wilayah Persekutuan Labuan (JPWPL) diadakan secara dalam talian dengan disertai lebih daripada 250 orang warga pendidik di pejabat dan kediaman masing-masing pagi tadi .


Sambutan Maulidur Rasul ini diurus setiakan oleh Sektor Pendidikan Islam (SPI), Jabatan Pendidikan Wilayah Persekutuan Labuan. Majlis dimulai dengan bacaan surah Al Kahfi ayat 1 hingga 10 diketuai oleh Ustaz Sahrum Bin Samlan, Penolong Pengarah Unit Pembangunan Adab dan Nilai, Sektor Pendidikan Islam manakala bacaan Surah Yassin dan bacaan doa selamat pula diketuai oleh Tuan Haji Abdul Rahman bin Ahmad, Timbalan Pengarah Sektor Pembangunan Murid, JPWPL.

Ceramah Maulidur Rasul bertajuk ‘Utusan Terakhir’ telah disampaikan oleh Al-Fadil Ustaz Haji Ahmad Sharizal bin Mohd Saffian daripada Puzat Pungutan Zakat (PPZ) Cawangan Labuan secara santai namun penuh ilmiah. Penceritaan tentang kehidupan, keperibadian dan langkah perjuangan Rasulullah bersama para sahabat dalam menegakkan syiar Islam di kota Mekah dan Madinah amat terkesan di hati pendengar.

“Mencintai Rasulullah s.a.w. itu tidak ada tempoh masa tertentu, ia perlu disemarakkan setiap hari dalam kehidupan seharian kita termasuk dalam konteks rumah tangga, kemasyarakatan sehingga kepada Negara”. katanya



Tuan Haji Ahmad Sharizal menyampaikan ceramah “Utusan Terakhir”.



Majlis Sambutan Maulidur Rasul Tahun 2020M/1442H diadakan secara telesidang menggunakan aplikasi google meet dan Facebook live berjalan lancar.

Majlis tersebut dihadiri oleh Pengarah Pendidikan JPWPL, Puan Khaziyati binti Osman, Timbalan- timbalan Pengarah,

Ketua-ketua Penolong Pengarah, Pengetua dan Guru Besar, pegawai-pegawai di JPWPL , ustaz ustazah dan juga guru-guru di sekitar wilayah ini.

Dalam ucapannya Puan Khaziyati berkata Majlis Sambutan Maulidur Rasul diadakan secara atas talian sebagai langkah untuk menjaga kemaslahatan bersama dalam usaha menangani Covid-19.

“Saya berdoa semoga Allah Ya Alim Ya Hakeem memberkati kita semua. Semoga seluruh warga Pendidikan di W.P. Labuan ini dikurniakan dengan pertambahan ilmu dan kebijaksanaan serta merahmati majlis ini sebagai medium untuk meningkatkan kefahaman dan ilmu agama kita dalam memantapkan kecintaan kita kepada junjungan kita Rasulullah s.a.w”.

Katanya lagi, 12 Rabi’ul Awwal pada setiap tahun adalah sangat penting untuk diraikan, sebagai tanda syukur dan bahagia dengan kelahiran dan perutusan Baginda Nabi Muhammad s.a.w yang merupakan satu nikmat dan rahmat kepada seluruh alam.

“Sesuai dengan tema Ummah Rabbani Negara Harmoni. Apabila ummah kembali kepada nilai-nilai agama Islam atau agama Rabb maka pastinya Negara berada dalam suasana harmoni. Maka bersama kita mengambil iktibar dari Pendekatan Nabi dalam menghadapi wabak covid-19 yang telah dikongsikan oleh Ustaz Ahmad Salehuddin bin Shafie, BPI KPM iaitu akronim PKP yang dirujuk sebagai Pencegahan, Kelebihan Berdoa Dan Pengamalan”. Katanya semasa berucap dalam majlis tersebut.



Puan Khaziyati menyampaikan ucapan semasa Majlis Sambutan Maulidur Rasul.

Beliau turut berdoa agar ceramah yang disampaikan tadi dapat meneguhkan jati diri dan akhlak kita sebagai seorang muslim yang bersama-sama membina Ummah Rabbani agar kita dapat hidup harmoni dalam Negara Malaysia tumpah darah kita ini.

Majlis Sambutan Maulidur Rasul Peringkat Jabatan Pendidikan Wilayah Persekutuan Labuan di akhiri dengan bacaan selawat yang dipimpin oleh Ustaz Haji Ahmad Sharizal.

Berita Oleh : Sektor Pendidikan Islam



Tuan Hj Abdul Rahman memimpin bacaan surah Yassin dan doa selamat semasa Majlis Sambutan Maulidur Rasul.